

九願五嶽各安其方魏魏包藏長為仙宮安

鎮國梓保天无終護度一切莫不仰宗

十願江海湯湯无極含容恢廓无細不植淵

奧柔惠潤加蟠息天人獲慶年同劫石

十一願帝王國主日昌四鎮安睦兵革不揚

天人歌唱吉應來翔敷教濟濟威化揚揚

此無解變長樂未央

十二願蟾蜍蠢動已生未生成蒙安全普得

生成皆見元氣受陽之形草木菓於經冬

不零一切濟度靡不鮮榮和與道合真

存神燒香

香官使者左右龍虎君侍香諸靈官當今

午朝建齋之所自然生金液丹碧芝英百靈

雷君交會在此香火爐前令臣等學道得道

求仙得仙香官蒙福願沾恩十方仙童玉

女接待蘭煙向來所啓達達徑御

太上无極大道至真三寶上帝

九宸帝君御前

出堂頌 引至幕 謝師

靈寶領教濟度金書卷之二百三十一

靈寶領教濟度金書卷之二百三十二 卷六

洞微高士開光救苦真人窮金真授

靈寶通玄弘教水南先生林靈真編

科儀立成品雷建齋合用

晚朝行道儀

燒香頌

各禮師存念如法

宣衛靈呪

神光朗耀 瑞炁匝旋 箕斗澄輝 芝宇晏然

玉眸金真 寶瓊純乾 變花作畫 回子午前

太華流彩 丹鳳飛圓 息魔滅毒 高步祥煙

天真垂集 齊到帝前和與道合真

鳴法鼓二十四通

無上三天玄元始三炁太上老君召出臣身

中三五功曹左右官使者侍香金童傳言玉

女五帝直符直日香官各三十二人出出者

嚴裝閣啓玄壇天帝神君當召此間土地里

域真官正神急上開啓臣奉為入意以今

晚朝建齋行道願得

玉清道炁靈寶妙光下降流入臣等身中即

使玄壇清淨內外成真天无氛穢地絕妖塵

琳琅振響十方肅清萬魔不干真誠上徹今

臣所啓達達徑御

太上无極大道至真三寶上帝

九宸帝君御前

請稱法位

具位臣某謹同誠上啓

太上无極大道虛无自然元始天尊太上大

道君太上老君昊天玉皇上帝高上神霄玉

清真王長生大帝東極青華大帝九天應元

雷聲普化天尊九天雷祖上帝上清紫微碧

玉官太一天帝六天洞淵大帝六波天主

帝君可韓司丈人天尊九天採訪使天尊雷

霆九司諸天省府東華西靈執職真衆洞天

福地四海四瀆溪澗潭洞主宰龍神社稷山

川城隍里域三界官屬一切真靈臣聞鴻鈞

聲達鼓元炁於无形縈極開圓敷真精於有

象御三際而清班星列周十極而玄職雲羅

雨露无私共布裁成之今雷霆有赫潛攝化

育之權撫兆庶於幅圓愛照黎於寰宇凡稟

生而受命悉委悉以流形臣等快觀玄樞欣
切真陰班催龍尾誓殫力以對揚身近御頭
蓋同心而恭贊憲天弘道開德宣符今有青
詞謹當宣奏

宣詞

按如詞言備殫忱切臣聞天田煥角標春作
於東維天庾輝奎紀秋成於西舍示三農耕
種之候影百穀登稔之期天何言哉子庶民
則曰雨而雨民亦勞止毋為物則時暘而暘
倘久旱之未甦則荐飢之丁卜宜錄帝貺式
慰民情況鄉村當旬逮之逆而田畝接郊原
之遠出而作入而息躬耕期度於年饑早則
營募則休服田觀越於歲歉適從春季馴至
夏中畏日炎風晝盡焦於土石沈霾昏霧夜
悉隱於山林播種無期收成曷望嗟野農而
流涕致田畯以垂憐秋令相將固皆為鵠鷄
之狼狽冬時次第必難免鴻鴈之流離諒天
災示變於方圻抑入事乖常於圓昊致罹亢
夏吳遠有秋非垂雨露之恩曷副雲霓之望
爰宗星陸恭啓雲霓輅天仗於清虛微神儀

於碧落所冀帝心簡在民欽允從降甘澤而
其鑑其耘備殫地力勒驕暘而如驅如掃方
慰人情收紅腐以盈倉貯烏邪而滋稟歡騰
井邑慶浹郊圻以今晚朝陞壇行道運茲初
捻上香

願此香雲騰空徑上供養

無上至真道寶九宸帝君等皈身皈神皈

命首體投地仰依

太上三尊願以是功德上祝

皇帝陛下伏願八溟並福五鎮齊齡出圖

書甘露天昭於瑞應同文同軌醴泉日耀於

祥符顯魏魏有道之長溥蕩蕩充為之化東

宮藩輔不替皇圖中間地嬪光扶帝業內外

佐半千之運古今邁三五之期今故燒香自

皈依

師尊大聖衆至真之德得道之後保天長存

和與道合真

以今晚朝陞壇行道運茲三捻上香

願此香雲騰空徑上供養

無上至真經寶九宸帝君等皈身皈神皈

命首體投地仰依

太上三尊願以是功德歸流九州八極萬姓

四氏伏願時和歲豐風調雨順惟厥醴賦既

無蟲蠚之憂易其田疇永絕螟蝗之患暑葛

寒表而自足耕食鑿飲以相歡學禮學詩月

評兄著潤身潤屋風俗嘉成極大定以時雍

故泰和而咸若今故燒香自皈依

師尊大聖衆至真之德得道之後升入无形

和與道合真

以今晚朝陞壇行道運茲三捻上香

願此香雲騰空徑上供養

無上至真師寶九宸帝君等皈身皈神皈

命首體投地仰依

太上三尊願以是功德歸流山川祀典社稷

真靈井邑列祠城隍廟貌伏願博愛存心同

仁有物上界足宜有契天心而正天時下域

定豐儉盡地力而全地利運雷車而八方震

動收雨工而四野澍濟嘯命神龍毋分疆界

掃除旱魃廣潤鄉閭成歲事於三登護農工

於一視今故燒香自皈依

師尊大聖衆至真之德得道之後永保安寧
和與道合真

禮方 儀方

誦木郎呪 八十一遍
觀四派註

三啓

樂法以為妻 愛經如珠玉 持戒制六情
念道遺所欲 澹泊正氣停 蕭然神靜默
天魔並敬護 世世受大福

又

警警家國風 濟濟經道興 天人同其願
縹緲入大乘 因心立福田 靡靡法輪昇
七祖生天堂 我身白日騰

又

大道洞玄虛 有念無不契 煉質入仙真
遂成金剛體 超度三界難 地獄五苦解
悉歸太上經 靜念稽首禮

三禮

巨等志心稽首禮

太上無極大道

巨等志心稽首禮

三十六部專經

巨等志心稽首禮

玄中大法師

重稱法位

具位 巨等謹重誠上啓

三請上聖九宸帝君離筵真宰一切威靈
等社標寶曆經茅質陋慶緣宿劫幸瞻觀於
三乘福際昌時遂涵濡於七部冒玷玄班而
宣德懼違青律以貽愆進寸愆愆謏賜運
惜分切切徒老駒陰荷米賜於誅夷期勉承
於奏對上敷汪濊下副歸依今齋主力精心
勞深耕志切當此焦熬之候莫逢潤澤之時
思帝譴之攸與致天災之荐降切慮慢視五
穀凌蔑二禾不動耕而謗讒怨天弗力種而
霹靂罪歲或暴風急雨不避神馭之往來或
迅雷疾雷罔識天威之遐邇或斗斛之收支
有別或升合之小大多殊致黑簡之書愆與
玄編之紀過降茲早虐收彼穀神六合為密
吠畝難藏於猷轄一同若竈瀾溝曷宅於魚
蝦秧莫舒根苗美吐葉林林長歲既元霑體

塗足之勞元元窮年將有啼飢號寒之苦伏
願聖心洞鑒仁聞昭彰檄山川祀典之神祇
暨社稷牧民之真宰闡宣所部申飭假司體
上聖之深慈救下愚之積過回茲妖旱為作
甘霖或二遊四神之分野經行或五運六炁
之時令勝復或震星之逆順或禽宿之推移
或三式有主於變占或六甲易達於常度各
冀遵承仁勅收斂災權移風雨於都邑之比
鄰檄并箕於次舍之主屬霽霓通澗木盡起
而藁笠村村霽霖成雷苗皆秀而糧耘處處

願今歲寢即親年豐極前倉後廩之儲室家
胥慶備左饘右粥之盛婦子收寧皆由樂育
之恩允拜生成之造上願乾坤寧靜日月輝
華雨露涵濡陰陽和泰五穀熟而人民育瑞
露凝甘三光全而寒暑平卿雲耀彩俗富箕
裘之業家多弦誦之聲夕折煙沈歡生四鄰
春犁影轉喜溢三農大無夜吠以成功鳳有
朝鳴而允治上明
天尊大慈之化下副巨等皈命之誠謹啓以
聞

發願

- 一願大道流行溥天懷德
- 二願一切有生咸皆悟道
- 三願九夜慈亮一時解脫
- 四願孤露无依咸得受生
- 五願天下太平五穀豐熟
- 六願臣忠子孝君仁父慈
- 七願四海會同究親和釋
- 八願潛胞處卯咸得生成
- 九願積疾新痼旋即痊愈
- 十願孤露衆生豐衣足食

存神燒香

香官使者左右龍虎君侍香諸靈官當令
 晚朝建齋之所自然生金液丹碧芝英百靈
 霄君交會在此香火爐前令臣學道得道求
 仙得仙齋主受福幽顯霑恩十方仙童玉女
 接待蘭煙向來所啓速達徑御
 太上無極大道至真三寶上帝
 九宸帝君御前

出堂頌 引至幕

謝師

靈寶領教濟度金書卷之二百三十二

正一天師清微弟子 洪百堅 製作



靈寶領教濟度金書卷之二百三十三 爰七

洞微高士開先救苦真人壽金真授
靈寶通玄弘教水南先生林靈真編

科儀立成品 雷霆齊合用

謝恩醮儀

燒香頌

各禮師存念如法

宣衛靈呪

五星列照煥明五方 水星却災 木德致昌
 熒滅消禍 太白辟兵 鎮星四掩 家園利亨
 名刊玉簡 字錄帝房 乘應散景 飛騰太空
 出入冥無 遊宴十方 五雲浮蓋 招神攝風
 役使萬靈 上衛仙翁 和與道合具

鳴法鼓二十四通

無上三天玄元始三炁太上老君召出自身
 中三五功曹左右官使者侍香金童傳言玉
 女五帝直符直日香官各三十二人出出者
 嚴裝關啓玄壇天帝神君當召此間土地里
 域真官正神念上闕啓臣今奉為入書以今
 設醮建齋行道願得